

REUNION IMPORTANTE PA MUSICONAN NA PARADISE

ORANJESTAD (IPA-ME)

Den un comunicado pa Corant, tur musiconan ta worde cordialmente invita pa asisti na un reunion di suma importancia cual lo tuma lugar awe pa 3 or di atardi na Paradise Restaurant cu e puntonan di agenda. 1. Apertura. 2. Eleccion pa directiva. 3. Turno liber. 4. Clausura.

Sr. J. Jeandor vocero di e comision ta encarga cu e preparacion di e reunion pa elegi un directiva nobo, ta cuestiona na su coleganan

cu nan ta para dilanti un tempo cu e musiconan Arubano mester uni pa nos existi e respet necesario.

Nos musiconan Arubiano ta constata cu hopi abusonan ta ser haci cu nos. Hopi biaha nos ta mira nos juinan di tera no ta hanja e reconocimiento mereci. Ta pesey un organisacion caminda nos ta organisa na prome lugar y alaves caminda nos derechonan ta

ser defende. Sea bo ta toca na Hotel, Clubnan nocturno, mariachi, wiri of caha di orgel ta musico bo ta, y bo balor no por ser negligia. Ta pesey laga e musiconan a base di solidaridad y di e conviccion cu nos mester tin den nos mes un pais.

Alaves proyectonan grandi cu semper nos tabata tin en mente mester worde cristalisa y realisa. Ta pesey laga nos determina pa e pro-

greso y conquista.

Nos organisacion no mester ta activo solamente jan./febr so, es decir tempo di Carnaval.

E mentalidad aki mester worde cambia. Nos musiconan mester tin trabou henter anja y un trabou husto, no pa un grupo so ta traha pa nan ricibi un salario fin di luna, na e mes un momento tin musiconan cu gran estudio, y cu a haci

sacrificionan grandi pa lo cual cu nan tin awe, tin cu toca djaki paya pa por sobrevivir.

Ta pesey, coleganan, awe ta dificil pa den un comunicado nos trese tur e puntonan cu nos tin en mente dilanti, pa motibo cu unda tin voluntad tin logro. Ta pesey coleganan, laga nos uni y participa na e reunion. foto Nelson Boca-randi